


Vaeltieh pryövem jïjtjeadth

Lohkh abpe bïhkedassem aerebe pryövem vaeltieh

Daejtie daarpesjh gosse pryövem vaeltedh:

- Stoere zip-lock-passam gusnie:
 - snagle mejnie pryövem vaeltedh
 - pryöveröjre doelteme-saelhtiemtehtine
 - onne zip-lock-passa paehperelijnine mij pryövem vaarjele gosse seedtedh.
- Kåahpem jallh gaeriem
- Haaskoepassam jïh njaamepaehperem.




Pryövem tjaalasovvedh

1. Vuartesjh sijjiem direkttest.se, veeljh "Registrera prov" jïh tjaelieh dov luhkiesiffere referansenummerem mij etikettesne gååvnese.

Jallh

Skannedh QR-koden (mij pryöveröjresne jallh dennie onne zip-lock-passesne) dov mobijletellefovnine. Dïedth rovhtese mij skjeermesne vååjnoe jïh goeredh lienghkem.

2. Tjaelieh dejtie dov biëvnesidie, vaestedh jïh dievtieh gaajhkem maam edtjh darjodh. Dievtieh barkoesijjekodem jis dov bar-koëåejvine latjkanamme pryövem edtjh vaeltedh.
3. Gosse BankID:ine nænnoestamme dellie tjaalasovveme.
4. Vuartesjh vihth webben lohkemeföönsterem, mejtie "Ditt prov är nu registrerat" vååjnoe dennie sijjesne direkttest.se.



Aerebe pryövem vaeltedh


Ohtsedh pryöveröjrem jïh snaglem mejnie pryövem vaeltedh. Baajh paehperelijniem dennie onne zip-lock-passesne årrodh.

Vaeltieh pryövem jïjtjeadth

Vaeltieh pryövem dejnie snaglen myövkhes tops-biehkine tjovveste, njueneste jïh tjalkeste naemhtie:

1. Tsaekieh snaglem njaelmien sijse dan gåhkese tjovvese guktie buekteht. Jårnh snaglem tjovven gåabpaginie bieline medtie 10 sekundh.
2. Tsaekieh mænngan dam seamma snaglem rïekte njuenien sijse naan centimeeterh jïh jårnh/ knugkh 10–20 sekundh.
3. Tjalkh gaaran jallh kåahpese, geeht ollh njohkh jallh snoelkh meatan. Njåaloeh snaglem tjalkesne juktie lopse, snagle mahta gaeresne jallh kåahpesne årrodh mearan pryöveröjrem rïh-pesth.
4. Tsaekieh snaglem pryöveröjren sijse jïh sjöövnh snaglem bijre jarkan 20 sekundh aerebe snaglem haaskoepassese hajkoeh jïh pryöveröjren luehkiem eensilaakan gaptjh.

5. Bïejh pryöveröjrem dan onne zip-lockpassan sijse jïh gaptjh dam onne passam eensilaakan.
6. Bïejh dam onne passam dejnie pryöveröjrine dan stoere zip-lockpassan sijse jïh gaptjh eensilaakan.
7. Deellh pryövem. Jis ij dallah deellh passa pryöveröjrine edtja jååskeldahkesne årrodh gossege deellh.



Hajkelh haaskojde

Snaglem mejnie pryövem vaalteme jïh kåahpe/gaerie akten aejkien materiaaleste haaskoepassese edtjh hajkodh jïh passam gaeredidh. Gåtesne mahta gaeriem jïh kåahpem bissedh guktie provhkoeh.

Hajkelh haaskoepassam goh sïejhme gåetiehaaskoeh (båeltemshaaskoeh).

Pryövevaastoe

Gosse pryövevaastoem vuertieminie edtjh gåetesne årrodh jïh ih åadtjoeh barkosne, skuvlesne jallh dagkarinie minnedh. Ålkone edtjh jeatjabistie dabpanidh (2 meteerh). Ih åadtjoeh kollektijve skovhth provhkedh. Datne aaj edtjh nemhtie dæmiedidh ollh sohtem heeselh.

Gosse pryövevaastoe gaarvesth sms:m åadtjoeh. Mahte 48 tæjmoeh vaesieh gossege pryövem deelleme men guhkebe mahta sjïdtedh jis hïelje. Provhkh BankID:m gosse webbsijjiem direkttest.se vuartasjidh jïh vaastoem lohkedh.